



«Талдау» АТЖ-ның мүмкіндіктері мен артықшылықтары:

- деректерді түрлі кестелік, графикалық және картографиялық түрде және бөліністерде ұсыну;
- деректерді белгіленген шарттар бойынша визуализациялау;
- деректерге статистикалық талдау жүргізу үшін құралдарды ұсыну (өңірлер мен сыныптау бөлінісінде деректерді салыстыру, серпінділік қатарын құру мен корреляциялық талдау);
- таңдап алынған деректерді немесе талдау нәтижелерін деректердің қолжетімді жалпыға ортақ қабылданған (excel, pdf, json форматта) шығарып алу;
- кілт сөз және жіктелім элементінің атауы бойынша іздеу;
- машина оқитын форматта API арқылы деректерді жүктеп алу.

«Талдау» АТЖ мына модульдерді қамтиды:

«Жеке кабинет» – әр пайдаланушының өзінің «Жеке кабинетін» ашу мүмкіндігі бар, оның көмегімен ол өзінің кестелерін, графиктерін, диаграммаларын жасауына және өзінің жеке бетінде сақтауына болады.

«Көрсеткішті іздеу» – кілт сөз бойынша көрсеткішті жылдам іздеуді және жіктелім элементінің атауы бойынша жедел іздеуді қамтиды.

«Талдау» – пайдаланушыларға қажетті көрсеткіштер бойынша өз бетінше салыстырмалы талдау жасауға, сондай-ақ жүйенің өзіндегі талдау түрлерін қолдануға мүмкіндік береді.

«Статистика бөлімдері» – таңдалған статистика саласы туралы ақпаратты қамтиды.

«Конструктор» – пайдаланушыларға АТЖ-ға жүктелген статистикалық көрсеткіштер бойынша өз диаграммаларын құруға мүмкіндік береді.

«Өңірлер» – Қазақстан Республикасы 17 өңірлерінің әрқайсысы жөнінде толық статистикалық ақпаратты қамтиды.

«Талдау» АТЖ-да тұрақты негізде өзектендірілетін 3000-нан астам статистикалық көрсеткіш бар: олар 2000 жылдан бастап жылдық кезеңділікте және 2011 жылдан бастап айлық және тоқсандық кезеңділікте, бірнеше жылдар серпінінде көрсетіледі.

Сіз «Талдау» АТЖ-ның барлық статистикалық көрсеткіштерін Комитеттің www.stat.gov.kz интернет ресурсы немесе www.taldau.stat.gov.kz сілтемесіне өту арқылы көруіңізге болады.



Қазақстан Республикасы
Ұлттық экономика министрлігі
Статистика комитеті

www.stat.gov.kz

е-Статистика пайдаланушыға



«е-Статистика» интеграцияланған ақпараттық жүйесі – бұл статистикалық нысандарды онлайн режимінде жіберу, статистикалық деректерді сақтау мен өңдеу, статистикалық ақпаратты қарау және оған талдау жүргізу мүмкіндігін қамтитын статистикалық қызмет үдерістерін толық автоматтандыру



Біздің мекенжайымыз:

Қазақстан Республикасы, 010000
Нұр-Сұлтан қаласы, Мәңгілік ел 8
Министрліктер Үйі, 4 кіреберіс
Ақпараттық қызмет: +7 7172 749010, 749011
Факс: +7 7172 749546
E-mail: kazstat.rk@gmail.com
Интернет-ресурс: <http://stat.gov.kz>
Таралымы: 300 дана

«е-Статистика» ИАЖ келесі ақпараттық жүйелерді қамтиды:

- Комитеттің интернет-ресурсы;
- Деректерді on-line режимінде жинау;
- Ақпараттық-талдамалық жүйе;
- Ішкі интранет-портал;
- Алғашқы статистикалық деректерді сақтау орны;
- Алғашқы статистикалық және әкімшілік ақпаратты өңдеу;
- Агрегатталған көрсеткіштердің деректер базасы;
- Жіктеуіштер және стандарттар;
- Метадеректер;
- Халықтың статистикалық тіркелімі;
- Статистикалық бизнес-тіркелім;
- Тұрғын үй қорының статистикалық тіркелімі;
- Ауыл шаруашылығының статистикалық тіркелімі;
- Әкімшілік ақпараттық деректер базасы;
- Интеграциялық компонент.


«Деректерді on-line режимінде жинау» АЖ респонденттерге жүктемені азайту мақсатында әзірленген. Респонденттер өз есептерін Комитеттің www.stat.gov.kz интернет ресурсы немесе <https://cabinet.stat.gov.kz> арқылы Ұлттық куәландырушы орталығының электрондық цифрлық қолтаңбасын пайдалана отырып жұмыс орнынан тапсыра алады.



«Респонденттің кабинетінің» ерекшеліктері:

- пайдаланылатын браузерде ЭЦҚ импорттау қажет емес;
- авторизация және есептерге қол қою e-token, kaztoken, жеке куәліктегі ЭЦҚ-ның және т.б. құрылғыларды пайдалануға мүмкіндік береді;
- статистикалық нысандарды электронды түрде online режимінде тапсыру;
- қызметі жоқтығы туралы анықтама тапсыру;
- статистика органдарына тапсыруға арналған статистикалық нысандар тізімін (жүгіртпе) авторизациясыз респонденттің БСН/ЖСН енгізу мүмкіндігі арқылы қару;
- есептілікті және растауды қарау, шығару;
- тапсырылған есептердің тарихын қарау;
- статистикалық нысандар бойынша қарыздар тізімін болған жағдайда қарау және шығару;
- байланыс ақпаратын және экономикалық қызмет түрін өзгерту.

Комитеттің www.stat.gov.kz интернет-ресурсы – «е-Статистика» ИАЖ-дың басым компоненттерінің бірі, өзекті де, анық статистикалық ақпаратты таратудың маңызды арнасы болып табылады. 2019 жылғы 1 маусымда Комитеттің жаңа Интернет-ресурсы іске қосылды. Дизайнды, құрылымды жетілдіру, мемлекеттік органдардың интернет-ресурстары талаптарына сәйкес келуі, сондай-ақ Комитеттің барлық ақпараттық ресурстарына бірыңғай қолжетімділік нүктесі болуы жаңа Интернет-ресурстың артықшылықтары болып табылады.



Комитеттің «Талдау» ақпараттық-талдамалық жүйесі

Халықтың статистикалық ақпаратқа қажеттілігін қанағаттандыру үшін Комитет деректерді «Талдау» АТЖ-да жариялайды.

Жүйе халыққа, мемлекеттік органдарға, кәсіпорындарға және ұйымдарға қолайлы интерактивті режимде статистикалық көрсеткіштер бойынша барлық өзекті статистикалық ақпаратты ұсыну мақсатында іске асырылған.

